



白沙集

一



~ 16
2329
1

古
子



和
號 2329
卷 / 一 / 分

白沙先生集序

樂善齋

天之為世道慮也至矣平陂徃復世變之不能無者
蓋繫於氣數天亦無能如之何也然其變之將至也
天必為生英人偉士畀以其責使或成其事功或樹
其風烈而斯世斯道終有賴焉若夫人者其生也實
得天地之間氣卓然不隨存沒而顯晦歎唾笑談之
遺皆可為後世重古之人遠矣求之近代故相白沙
李公其庶幾乎國家自壬辰來遭大變者三焉倭寇
之難國之不亡僅如一髮而公首建大策請援於
天朝既而長本兵賞 睿謨奔奏先後克成中興之

業丁應泰之誣我也禍機之烈劇於壬辰即 天鑑
一眩事有不忍言者廷臣失氣踣蹶莫肯前當其鋒
焰而公單車啣 命赴愬 帝庭使國誣洞雪而
主憂以釋則其功益偉矣閱世而遭人倫之變奸臣
逢惡請廢 君毋金墉之禍迫在昕夕人之所以為
人者一朝墜地盡矣方且陳刀鋸列鼎鑊盛氣以胥
言者而公明目張膽吐片辭以定父子君臣之義竟
坐此竄絕塞以沒然賴公一言長秋咫尺地卒不得
以不測加焉則其所撐柱之而扶持之者殆有不可
以言盡者雖謂之磊磊軒天地可也 本朝昇平二

百年不幸當公之世三遭大變而三立奇節 社稷
靈長彛倫再叙苟非天之所生而有得於間氣者其
孰能與於此哉公才甚高學甚博為文章有奇氣藻
思涌溢踔厲不羈其至者去古人不遠而不至者亦
非今人所能及顧公於此不甚屑意所著述往往棄
稿不收故存者不能多噫亦何待於多哉叔孫豹論
不朽立言最後焉文章又立言之靡者公之所樹立
自足以照耀千秋區區文詞之傳否不足為公重輕
然自慕公之風者謀之即陳蹤末迹皆欲其流傳永
久况於精神之所運言語之所發者乎公之沒已一

紀家集尚未行會李公顯英按關東與江陵李使君
命俊皆故公客也慨然合筴彙公遺稿付剞劂而公
諸子屬維引之維不佞弱冠以里中子獲及公門蒙
國士之遇今而飾其固陋之辭以相茲役義不敢辭
故略述公生平以見天之生公有不偶然者嗚呼不
如是文章雖美何足以傳於遠後之覽者其亦知所
本之哉

崇禎紀元之二年歲在己巳閏四月下旬奮忠贊謨
立紀靖社功臣資憲大夫行司憲府大司憲兼弘
文館大提學藝文館大提學知成均館事同知 經

選春秋館事

世子右副賓客新豐君張維謹序

重刻白沙先生集跋

白沙集始刻于臨瀛也維猥以拙語弁其卷集既行
讀者頗有以編次失宜字畫多舛病之者門下士相
與謀曰斯文也必將流布四方而傳之永久若以是
起後學之竊議則吾黨何以辭其責乎遂共加讐校
誤者改之缺者補之不必存者刪去之位置失所者
釐正之會鄭錦南忠信節度嶺南右道開府于晉陽
迺克鳩工重刻因屬維識其事錦南自幼庇相公宇
下其受知與受恩舉一世無兩焉其於為相公報効
身後者宜無所不用其極也聞斯役者疇不躋之若

乃相公德業之盛文章之美樹立之卓前序已略備矣今不贅云

崇禎乙亥孟夏德水張維謹跋

白沙先生集總目

卷之一

詩

卷之二

詩

卷之三

詩

卷之四

詩

卷之五

劄

卷之六

劄

卷之七

劄

卷之八

劄

卷之九

啓

卷之十

啓

卷之十一

啓

卷之十二

啓

卷之十三

議

卷之十四

議

卷之十五

箴

銘

序

記

跋

卷之十六

雜著

卷之十七

神道碑銘附陰記

卷之十八

墓碣銘

卷之十九

墓誌銘

卷之二十

墓表附陰記

卷之二十一

行狀

遺事

祭文

卷之二十二

書牘

卷之二十三

朝天記聞

朝天日乘

附錄卷之一

年譜

附錄卷之二

家狀

附錄卷之三

行狀

神道碑銘

墓誌銘

墓表

附錄卷之四

賜祭文

祭文

附錄卷之五

挽詞

畫像贊

書院上標文

附錄卷之六

諸公撰述

諸公記識

附錄卷之七

擬辨尹善道誣疏

先生遺集有江陵晉州兩本詩文之始刊江陵不入晉州板者十六首追刊晉州不入江陵板者十八首今合兩本編成全集又得散佚見漏於前後本者詩凡四十首文凡十五篇詩為拾遺錄文各類編下註拾遺二字

白沙先生集卷之一上目錄詩

雙清亭八詠

赤猪暮秋日追酬靜養尊丈江上口號之作今

始錄奉 三首

題李興孝羨人圖

三物吟

山水圖 三首

重遊僧伽寺

題朴淵圖

伯兄為延豐倅將往訪之途中偶吟
歸途將訪麓寺天熱不果行

無題

雨中偶吟

福泉東臺題僧軸

題七月篇後

江閣觀雨

宿香林僧舍夢見友人覺而賦之

無題

坐夜

病後曉起

與趙守初存性宋仁叟英考同在江舍數日索
舟不得戲而作此

題僧軸

送北道李兵使濟臣

苦雨

玉堂答李公著誠中

李兵使濟臣挽

棄婦

送朴仲吉慶新

玉堂偶吟

無題

記夢寄李明甫 德馨

無題

井男生日戲題

送鏡城黃判官 璠

次朴思庵 淳韻謝海師見訪

無題

騎省郎官盛集西郊歌鼓沸天

銀臺示朴內翰子龍 東亮

送北關李評事 慶涵

朴商山 忠侃新構江舍會賓以落之余在隣持

服不赴明日來示昨日諸公所賦要和

久雨新晴月色倍清感而賦之

鄭慄挽

南門蓮亭步月賞蓮聞城上歌聲寥亮

送李評事 礪

洪舍人迪挽

檢書偶閱近思錄有感戲題空幅

寄題龍潭快閣十景

偶成

讀史有感

送關西柳評事

Blank space for the main text on the right page, enclosed in a grid.



白沙先生集卷之一

詩

雙清亭八詠

草暖樵歌緩花明霽晝遲春濃放馬後水泮捕魚時
水作龍蛇走山圍劒戟奇暄簷供望眼真與老人宜

右箭郊春晴

岸闊帆如影江澄水若空櫓鳴明鏡裏人語錦屏中
歌側播牙疾微冥雨意濃應須貪利涉不畏打頭風

右楮島歸帆

柳堰迴官澤纍纍土阜殘日西斜景遠鴉集暮聲寒

白雲集卷之一
綠暗巖城下青浮大道間
長年供晚眺輪與主人閑
右郭外長林

夜雨前山暗朝晴出遠峯
橫雲鋪白絢秀色抹青濃
不見千尋剎深埋萬逕蹤
憑誰持贈此心賞少人同

右道峯白雲

野店鷄初動宮鐘出禁門
綉衾睡味穩馳道語聲喧
瓦釜嘗新粥匡床負曉暎
呼兒鋤後圃此樂感君恩

右長樂曉鍾

返照明潭底游魚影不安
關心寧在釣寓興只投竿

水荇侵琴柱晴鷗近藥欄
相忘坐不顧苓箸落洄灣

右立石釣魚

四野蒼然靜初如未判時
瑞光衝地溢金暈射天竒
夜久游氛斂雲空物影移
仙禽虛警露清唳助淒悲

右峨嵋秋月

暝雲垂遠野饑雀集簷端
雪暗東西路漁歸上下灘
天晴分近店月出認遙巒
物色看千變燠籠到夜寒

右前村暮雪

赤猪暮秋日追酬靜養尊
丈江上口號之作今

始錄奉三首

靜養宗室
原川君徽

白沙集卷之一
江上風烟接素秋江中歌管送行舟真遊尚幸魚登
級舊事今成蝶化周公子幾時迴鷁首仙官重欲膾
槎頭澄湖十頃湧如酒一洗人間萬斛愁

其二

平生皮裏幾春秋顧我初心似刻舟送客略容陪謝
晚觀魚猶得記莊周名場步拙從居後詩壘才踈愧
忝頭勝地祗今餘夢寐白波青嶂動新愁

其三

心似殘蟬不耐秋身於人世任虛舟狂圖直欲擎天
柱孤憤常思觸不周六載宦遊塵滿面一生官謫雪

盈頭王孫官貴心枯淡能識張衡有四愁

題李興孝美人圖

霜酣老樹明如綺曲池秋冷芙蓉死涼簷照簾初睡
覺墜葉紛紛撩遠思側身點筆意徘徊欲寫閑愁羞
女史歲華悠悠君不來石欄金櫻已結子

右題葉

一林牆外生青靄竹瘦松老芭蕉大微涼透肌暑衫
薄暗風自搖蟬裙帶蘭膏膩着玉尖柔滑弄琴徽彈
不得女郎豈識心中事回頭偶語閑消息

右彈琴

白沙集卷之一
十四
松枝覆溪風微颺碧紗如烟浣輕浪螺鬟雲袂動參
差蟬翼蛛絲搖蕩漾一回洗出一回新願向君前裁
舞衣無限芳心人不識歸來愁上舊鴛機

右浣紗

三物吟

側頭伺隙掠人飛飽滿盤天誰識汝時同鸞鴝恣遊
嬉只是中心在腐鼠

右鴝

厠鼠數驚社鼠疑安身未若官倉嬉志須滿腹更無
事地塌天傾身始危

右鼠

只向涼宵飲秋露不同羣鳥競高枝傳語螿娘莫追
捕人間何物不真癡

右蟬

山水圖三首

江虛月露明夜久松杉寂漁人未歸來浪擊溪頭石

其二

驢後小兒隨驢前風日好無人語所思獨自行長道

其三

落鴈帶斜景雲濤浮遠空無心坐蓬底何處是江東

重遊僧伽寺

重來不覺歲崢嶸
吾輩三人昔此行
塔上古皇餘舊
面岸頭新燕作春聲
長安車馬地中殷
江漢波濤天
外鳴白酒三杯拂衣去
山僧只道老書生
嘗與澤中
益之同遊

題朴淵圖

靈湫隱隱深成白
其下蒼屏如甕剖
飛潢一派殷遠
空乾竇沉沉銀漢逗
昔我尋真三弟兄
與客一人為
四友風騷話本落人間
晴晝空堂雷雨吼
耦立松前
巾履同試問何者
當時吾巢崖水鶴
今無見來往青

田長幾雜

伯兄為延豐倅將往訪之途中偶吟

兄在深深第幾巒
山童遙指白雲間
門如廢寺誰知
縣人似飢仙強號
官黠吏巧成猿
態度愚民老作佛
容顏功名到此真
堪笑笑殺從前未掛冠

歸途將訪麓寺天熱不果行

寺下長江江上山人間
無路水漫漫
三朝老樹秋陰
引五月天風佛骨寒
飛閣捲簾圖畫裏
晴窓鳴磬雨
花間蒸炎挽斷東歸興
悵望雲邊碧數鬟

無題

我衣公子醉霞觴踞倚青樓佯使狂騎出玉驄斜睨
影東風十里送衣香

其二

狂且狡童姓不知相逢折贈綠楊枝歸時批額抽鈿
去誤拂雲鬟略倒垂

其三

佳人拍手調行客深夜何緣踏雪迴雲掩越羅看不
見暗風時送異香來

其四

雲月瞳矓兩不知雪宵行色遠相疑驚聞笑語聲依

舊不信中情異昔時

雨中偶吟

急雨鳴山攬客眠檻前屏壁忽蒼然雀因闔粟翻階
散蛛為遮蜂結網懸等把勝輸推物理不將癡黠較
機權年來自斷吾生久行止非人况問天

福泉東臺題僧軸

林僧問我何為者我笑不謗僧改容坐久中心忽有
得掀眉熟視天王峯

題七月篇後

天王未離周公背義為明師親叔父當時若數衛養

功一姆足矣安用傳七月一篇寓意深大義演出無
逸誥上陳天人節序移下及公私服事努詩成再拜
獻于王眼前卽是田家苦田家苦千里隔君門如天
君得覩君心日儉臣職遂九原不負先文武嗚呼有
臣忠如許胡為久踏東山土

江閣觀雨

雲間日脚漏青蕪雲外靈珠一點孤風自遠峯來有
響濛濛吹雨過平湖

靈珠觀
岳峯名

宿香林僧舍夢見友人覺而賦之

滄海遙遙隔死生覺時猶是夢時情遊魂未散千峯

靜清曉空堂一磬鳴

無題

簾外遊塵暎隙曛春情無賴對黃昏王孫獵罷歸來
晚活火金壺麝酒溫

其二

楚臺春夢未分明雲雨猶堪惱半生人世此歡應勝
夢却嫌行樂不多情

坐夜

外物日千變此心長寂寥床頭燈炯炯窓下雨蕭蕭
病後曉起

籬落蕭蕭一犬鳴
天河寥闊曙霜清
貧家晝短夜多事
曉井月明聞語聲

與趙守初存性宋仁叟英考同在江舍數日索舟不得守初甚鬱鬱歎曰安得身為巨艦乘風破浪余戲而作此

渡口招招不見舟
一旬長嘯倚江樓
身如可化黃龍舳
願向滄溟日夜浮

其二

常願身為萬斛舟
中間寬處起柁樓
時來濟盡東南客
日暮無心穩泛浮

題僧軸

終日無人問索居
鳥聲和雨在山廬
安身有道緣多病
應俗無能坐信書

送北道李兵使

濟臣

西郊學士射無敵
北鄙將軍詩有聲
約束羆熊老黃卷
推移文字作長城
固應選擇優邊帥
其奈朝廷惜內輕
獨把吳鉤望行色
傍人謂我少書生

苦雨

苦雨連旬夜徹明
曉庭雲物太縱橫
牀牀避漏人何限
種種綠愁髮幾莖
沙捲沈穿竈入蛙
隨驚犬上

自注集卷之一
二十九
墻鳴鍾城戰血今如海天厭頑胡為洗兵時有北變

王堂答李公著誠中

強撥沉痾涕自潛 綸音一一重如山慚將末藝欺

明主猥借殊恩敵眾訕公議未容存薄劣虛名何

得護踈頑簷前十日終宵雨應注銀河洗汗顏時與李汝

震論事觸諱重有物論引疾累日聖旨敦諭勉出警恩

李兵使濟臣挽

漢家百年邊無事驕將剝虜如剝豕犬戎直來窺官
倉吏民驚竄如奔蟻誰能指揮回天地借問大將身
姓李偏裨皆已萬戶侯一朝謫向麟山死傳語邊岷

莫云云此事恐或胡人聞沙塞征人每夜哭回頭却
憶李將軍

其二

白若白鷺白清如清水清讀書千卷更鸞弧荷君

恩寵作長城玉節金章沉塞雲身後妻孥有飢色

天書獨褒地中身其人已死何嗟及噫吁戲其人已

死何嗟及公死未幾上褒其清白復其官

棄婦

天寒落日細烟生白屋蕭蕭機杼鳴枕上鴛鴦如解

語為君傳道妾心明

送朴仲吉 慶新

不嫌前守有能名因迹應須一倍清
官路傍山花照眼縣齋濱海水圍城
漁鄉稅薄唯徵鰕茶戶人間只貢苓
公事無多詩興足幾將佳句詠昇平

玉堂偶吟

一鳥孤鳴坐塔然直廬如寺吏如禪
斜陽歛歛暮寒集雪樹冬青凝碧烟

無題

時來稚子挽爺衣問我今行幾日歸
共指碧桃花未落碧桃花落尚違期

記夢寄李明甫德馨

三年夢點舊朝班顧影深慚骨法頑
文陛雪融旗脚轉虎樓鍾動珮聲還
祥光只在虛無裏清蹕初回紫翠間
同舍故人今不賤五雲深處侍龍顏

無題

西江少婦步沿流江上烟波萬疊愁
遙望行舟試喚客問郎何日發忠州

井男生日戲題

富家生女百憂集貧家生男萬事足
日費千錢供壻難只將一經教子讀
我今生男幸無女大者能書少

能揖誰家養女作孝婦我欲送男為慢客守家扶醉
兩無憂歸亭他年浣花樂

送鏡城黃判官璫

鏡城通判盛文章軍旅平生學未嘗盡說儒衣妨戰
地豈殊梟將怯詩塲磨天嶺外三年笛長白山西六
月霜多少青雲滿臺閣肯回高義問窮荒

次朴思庵淳韻謝海師見訪

三載休官席滿塵悄無車馬是吾真門闌幸有僧來
謁通計新年一見人

無題

落月西廂立別離病顏憔悴記當時芳心定信來生
約先向冥途作後期

騎省郎官盛集西郊歌鼓沸天

時危秋興已無多不分簫笙咽晚坡遙想官軍守長
白諸公何意只酣歌時北變方殷發卒屯
戊中外繹騷故及之

其二

軍務如雲暇日多郎官無事醉西坡佳兒莫唱遊春
曲更唱魴魚頰尾歌

銀臺示朴內翰子龍東亮

深室蒸炎氣鬱紆夢為鷗鷺浴晴湖縱然外體從他

幻烟雨閒情却是吾

送北關李評事 慶涵

元帥雖尊簿牒饒府中間興屬賓僚高原破的晴雷
殷曠澤呼鷹快駿驕自古宴安忘訓鍊要君嚴重慎
逍遙近聞鋤採驚羸老南北巢屯有桀梟

朴商山 忠侃 新構江舍會賓以落之余在隣持
服不赴明日來示昨日諸公所賦要和

復碧重丹一日新高軒齊軫袂陽濱遙聞北里娛前
輩尚念南貧阻後塵酒興幹回將老景園花留駐已
歸春功成自古多終咎惠養于今儘有人

其二

堂成物色倍呈新勝集繁雄似洛濱秦女學簫空下
鳳宓妃留舞襪生塵客歸欹枕迎新月雨過危紅殿
晚春回首帝城冠蓋鬧華胥誰識夢醒人

夕雨新晴月色倍清感而賦之

今夜無端欲上征廣寒宮殿坐吹笙清秋徒倚雲間
桂快觀乾坤表裏明

鄭慄挽

大抵本如寄誰將論久速其來即是歸茲理吾先燭
然且為君哀所未能免俗有口豈復言有淚不敢哭

撫枕畏人窺吞聲潛飲泣誰持快剪刀痛割吾心曲

南門蓮亭步月賞蓮聞城上歌聲寥亮

碧藕香風滿地吹層城樹影故離竒歌殘粉堞人如玉隔水郎窺夜不知

其二

池面沉沉壁月昏清歌飛出曉城雲雲深不省人何處琪樹層陰掩禁門

送李評事

玉珮辭明主金刀贈老夫看君負竒氣徒手搏單于

洪舍人迪挽

少小有文章聲名聞四方青雲隨步武白簡挫風霜
筆造東西晉詩傳盛晚唐南樓留秀句楣壁至今香

檢書偶閱近思錄有感戲題空幅

天明還晦晦還明物理人心漸飽更洛下文風不師
古朝中學士喜談兵青衿倏爾變新尚黃卷依然非
世情老我豈知通介事墻頭獨對短長檠

寄題龍潭快閣十景

橫岡盤屈走青虬萬松櫛比如鱗甲前宵來宿何處
雲半露蒼髯未解駁隨風脫瀆如崩濤缺處輝輝射

朝旭晚來散作紅錦段一抹濃翠如新沐

右松嶺曉雲

秋光繡畫蒼屏纈霜風吹染猩猩血日脚漏雲射空
壁冲融照燭彤霞熱斜光入座眼自醉物影搖空魂
已悸唯有山頭松獨秀亭亭不變千尋翠

右楓嶂晚照

山樊老石如龍起其下澄澄貯秋水金盤一夜雨洗
晴桂影澹灑寒鏡裏空明倒浸蔚藍天魚龍如入蟾
宮舞露華滿衣不成眠小閣一簾涼似雨

右澄淵霽月

幽居境寂長閒暇天欲見恠驚動我乃令急雨打廣
野銀竹暎空如箭射南崖潑墨方濃沫東崦晴暉新
洗出須臾捲歸水西山天光依舊無虧缺

右曠野驟雨

乾端黯慘坤維裂饕風擢野驅虐雪階前唯見竹青
青戶外斗覺寒冽列篝爐撥火靜煨栗小甕插菊新
釀秫醉擁紬衾骨節舒卧想朝天泥沒膝

右遠山風雪

昨夜溪唇失大木兒童走報山雨暴起看陂壠失舊
青黃濁忽然滿平陸快意真供一笑樂倒捲魚龍堤

上躍潺湲盈尺立可待此事敢誇東海若

右前川漲潦

長川凍拆如畦町兒童相傳龍所耕洄瀾激浪巧刻
鏤閣岸遠暎朝陽明主人相對也不惡到骨未許緇
塵着固應詩力發天慳倒瀉蛟宮珠錯落

右沙渚層冰

曉塘拭出新磨鏡秋蓮開作菱花影宿禽未起魚未
跳卷葉不動零露靜水風披拂碧羅傘銀汞滑瀉玻
瓈椀折筒彎作象鼻飲玉井始信沉痾散

右平池露荷

渴牛飲礪飢牛吼眠者自眠行自行又有滾塵上壠
戲堤上喫草堤下鳴耕田已畢雨洗鋤十里暖草斜
陽明誰言太平本無象此間箇箇桃林情

右大堤放牛

一林官路明如綺野闊遠人行似蟻騎牛緩歸騎馬
疾去者不盡來無已間中渾作畫中看苦樂想應人
人異世間苦樂無了日注目長程有深思

右石路行人

偶成

皤腹無儲晝卧捫春天睡興到羲軒新年點檢閒蹤

白沙集卷之一
跡除却尋醫不出門

讀史有感

一琴一劍燈一炷且讀且悲仍且歌雌烏雄烏孰爾
辨得馬失馬若吾何熙寧孔子欺宋士居攝周公移
漢家從古賢愚同土宰茫茫長夜祇堪嗟

送關西柳評事

滿醉關西酒留連錦瑟傍慈闈當此夜不寐念垂堂
壬寅夏日余謝事閒居一日與兒輩論詩要見余
平日所賦率爾把筆茫然百不記一豈意亂後精
神若是其耗也因錄若干篇以應其勤空其下數

十幅將附亂後所得編成一卷云

白沙先生集卷之一

白沙先生集卷之二目錄

詩

壬辰六月扈駕西幸途中作

承政院契軸

癸巳冬陪東宮溫陽道中作

甲午夏以東宮命赴劉提督緹軍議事因審

湖南山城還途入飛鴻嶺遇雨夜行

因雪留水原書懷

病卧全州彌月不可安學官庭蘭投詩為問

久客宜春求補綻於兵使兵使憫余孤眠選送

少娥一絕謝之

題湖陰十玩堂

曉起聞隣舍婦歌聲甚悲

金接伴醉在月城有寄因次其韻

再次

伽椰山中作

大丘道中

寒食思先墓次子美七歌

次金接伴韻

余少時與趙守初宋仁叟讀書江舍仁叟嗜書

寢余每與趙守初常感起携往泛舟往來今

追憶舊事杳然如夢因感而賦之

久客月城朴府尹悶其孫寂邀往溪邊打魚金

接伴以詩記之仍次其韻

有感

金接伴累疊前韻窘我

次李從事光胤韻

李提督如松別章

朴通官隨冊使在倭營述懷寄詩次韻却寄

失題

次李從事訟途之作

寓感

次金接伴韻

再次

久落南中洛上親舊日覺在念偶因公幹嘗至
京裏孝彥逐日來訪余過恩津受之館接勤
甚歸卧宜春感念二公之意寔天涯骨肉也
五月十七日夜夢得與二公相譔如平時豈
有所感而然歟覺而思之因賦二律記之
入京數月將復迎 冊使于南方時朴子龍赴

京以詩為別

數日夜夢不佳鄉思政急入河東縣聞成接伴
自賊中奔還南邊大擾起題縣壁
初十日同尹從事敬立過鵲院棧是日新晴風
氣甚惡馬上行吟示尹從事

題南原寓舍壁

千秋節在梁山寄示三從事

梁山書懷再疊前韻

郭山道中

無題

宿肅寧館

中和曉思

黃州集勝亭

題瑞興村舍壁

遂安途中

到新溪縣承 聖旨新除兵曹判書以南報急

促入朝

聞有從事官巡閱官兵愆期不來本縣官兵聚

九日猶不罷

是歲六月楊經理鎬在鎮江城召使來議軍事

再往關西將渡大同江聞金從事景擇尚容

已渡江詩以寄示

肅寧館記夢

百祥樓望藥山東臺聞兵使登高

從軍行

單于夜宴圖

月沙公示詠雪五首次韻却寄

次月沙過江口占韻

次月沙聞南邊的報喜而口占韻

次月沙韻

次月沙乾河途中韻

次月沙鳳凰山韻

次月沙斗嶺上曉霜口號韻

次海月過鎮夷堡韻

月沙公累投篇章索和余投筆久矣困於效頌
以詩謝之

遼陽記見示月沙海月二君子

黃書狀感辟間關東誌有作余常願一遊而不
可得因步其韻為寓言長句

再疊前韻錄呈海月兼簡月沙邀同賦

次海月臘日過海州衛記見韻

次月沙臘日風亂怯寒不得出獨坐口占韻

牛家途中風雪甚惡

雪中哀車夫

次海月過天妃祠韻

次海月記夢韻

次海月高平野韻

道上殊覺勞渴水渾不可飲黃書狀言冬寒尚
如此若到日暖必頓添一渴何以解之時於
馬上方論中朝食品之美李譯在後應聲曰

勿慮也手劈洞庭黃香霧喫人真青大畫盃
滿斟秋露白如何黃揮手止之曰李僉知無
多談令人失笑余聞之不覺捧腹口占一絕
示月沙

次月沙鶴野途中韻

次月沙夢入銀臺韻

次海月宿廣寧記事韻

次海月除夕書懷韻

次月沙遊西嶽廟詩韻

次海月關王廟韻

次海月西嶽廟韻

次海月紅螺山韻

望夫臺貞女祠次月沙西嶽廟韻

望海亭

次月沙立春日聞擒政成賊魁喜而口占韻

次海月長城韻

次海月山海關迎春戲韻

謁清節祠用西嶽廟韻

戲贈月沙

次月沙望海亭

次月沙秦皇島韻

次月沙午憇真武臺韻

次月沙永平府韻

次月沙萬柳庄韻效吳體

次月沙上元寓榛店韻

次月沙途中口占韻

次月沙豐潤觀燈韻

次月沙薊門烟樹韻

次月沙早朝韻

次月沙覽鏡自歎韻

次月沙玉河夜吟韻

次月沙天壇寄憶韻

次月沙燕館書懷韻

一日與月沙海月偶閱行錄海月出令曰可步

西嶽廟前韻為東嶽廟詩遂賦之

次海月韻

途中風沙甚亂

高嶺嶺上杜鵑花盛開

用清江韻寄題黃書狀海月軒

白沙先生集卷之二

詩

壬辰六月扈 駕西幸途中作

倉卒天難恃權宜策末工人心猶拱北馬首欲還東
一路去何去千山重復重孤雲在嶺嶠吾與爾相從
承政院契軸

草草行宮五夜鍾司喉地切近 飛龍披荆是日依
牆壁看畫他年記象容憶昨忝頭慚白面當時授簡
醉黃封鑿臺舊事今難再夢入瓊樓第幾重

癸巳冬陪 東宮溫陽道中作

此路幾時盡千山行復迷二年長避地今日始聞鷄
點籍無丁壯逢人有寡妻溫陽非隴坂不忍聽寒溪

甲午夏以東宮命赴劉提督緹軍議事因審

湖南山城還途入飛鴻嶺遇雨夜行

峽雲驅雨夜溪漲人與病駒浮鼻行應有山頭老樹
鬼分明指笑我宵征

因雪留水原書懷

大雪滿原野孤城獨樹青山空獸蹄亂風逆鳳毛零
狡兔將歸穴韓盧尚帶鈴無心戒終咎他日莫辭烹
病卧全州彌月不可安學官庭蘭投詩為問

側足人間久絕絃吾生長似暮秋蟬危途力叱王尊
馭榮路羞爭祖逖鞭夢逐五蛇遊遠野魂隨二豎委
寒羶王師未罷身先病時擘烏號默視天

其二

誓心如矢又如絃長羨涼宵飲露蟬癡欲洗兵河未
挽狂思填海石難鞭客中馬卒親成友病後牛衣慣
作糲料理此生吾已斷不將脩短問高天

其三

詩來杳若奏湘絃俚語喧啾似噪蟬顧我望風先送
款看君乘勝欲投鞭歌懷是處頻橫槊草檄何時邾

覆瓿聞說官梅寒未動且將佳句撥春天

其四

雲鍾街路直如絃甲第笙歌咽晚蟬憶遠更堪談舊
迹算程時復理歸鞭閒思賜馬趨晨仕病想官壺醉
細氈新夢不知時事改鳳城銀燭獨朝天

夕客宜春求補綻於兵使兵使憫余孤眠選送
少娥故遲針事因暮託宿導余顧眄余老矣頭
陀僧得梳何益焉因賦一絕謝之

南

乙未以冊使接伴使留

將軍熟讀圯橋書料得客情如料敵故教纖手懶縫

衣欲試先生腸似石

題湖陰十玩堂

文章驚世富熏天湖老風流未百年春信亦隨人事
改古梅零落壞墻邊

曉起聞隣舍婦歌聲甚悲

雪屋風鳴戶鈞簾月影哀時危有隱慮隣女曉歌懷

金接伴晬在月城有寄因次其韻

峽雨連山晚作霏客窓終日苦思歸陽迴病草先施
澤寒勒窮陰始戢威誰悶弊裘存季子欲將孤憤問
韓非江城別恨催遲暮沙磧春生樹木依

其二

拂篋明珠入把盈朗吟聊復慰孤征袖無可拭憂時
淚春不能寬去國情竊履尚將疑孟氏受金誰為解
陳平流言到底爭投杼始信三人虎已成

時李相劾
余有啓金

以詩慰
之故云

其三

強和村老祝新年願見南氓奠枕眠何術碎身填巨
海唯思斫首補高天誰憐薏苡長銷骨自愧弓刀久
在邊好去角巾尋舊業閉門終歲守吾玄

再次

長河日夕凍陰霏回望東萊獨鳥歸萬里仙槎窮地
理千年日本怛天威人疑留滯周南是夢繞荒涼
漢北非同作轉蓬君更遠江雲杳杳樹依依

其二

華山漢水意盈盈歸夢長隨鴈北征鄉信不如春有
信客情那似石無情傷衰謾自思強壯遭亂徒煩說
太平却笑江南張仲蔚一生流寓竟何成

其三

筋力何由似壯年蜀蠶身世到三眠心常戒得寧憂
失事不尤人敢怨天已說虜氛纏北鄙更聞妖孽臭

南邊名王莫肆投鞭志江左于今有謝玄

伽椰山中作

蒼然暮色來霜藤新月出林西日下問爾山中老樹

精今宵應見孤雲過

俗傳崔孤雲入此山為仙今或往來云

大丘道中

芳郊日暖新陽靜無數鷓鴣恣意鳴滿眼午慵和夢過一林官路不分明

寒食思先墓次子羨七歌并序

余少時嘗賦柳子寒食思先墓詩當時癡少務合科程規範不復深究詩意今年春客寓

月城悼念存歿仍感良時乃知古人一吟一咏無非情景俱到偶吟子羨七歌追步其韻因竊自傷賦命竒孤生又不辰生纔九齡嚴父見背甫過成童慈母繼殞靈根既蹶具爾分飛孑然單形獨孑隻影棲依無所仰給人餘少失門庭之訓長無師友之益狂奔浪走如獸自長幸竊早科厚誣時輩官日遷而俸日益顏愈厚而心愈憾追念少時獨依孀母白髮憂傷困窘萬狀每當秋閨冬夜更漏漫漫不眠推枕撫頂而戒曰家世素貴一朝蕩

亡將無以樹立振吾宗者唯汝在汝若能記
吾訓不自失墜雖死猶有兒也且九原可聞
吾有辭於先大夫矣既又屈指而計曰天假
吾年及見汝顯揚則汝為孝矣仍復潸然涕
下如是者八年而豈期風樹搖搖菁華荏苒
兒未齊戶親年不待天降之酷遂遭大罰天
乎神乎其忍是乎而踰時改歲以至于今又
頽然獨生而不得死者抑何如人耶每一入
夢儀形警咳十記二三而猶不得其真嗚呼
天地有盡此恨無窮俸祿雖厚豐柔滑甘之

具雖日陳於前衣冠呼唱之榮雖日耀於里
入門上堂誰為喜而將誰孝哉天可問耶嗚
呼痛哉從茲以往首尾十餘年哀門多釁老
天無祐諸姊暨兄接迹而亡晚與季氏零丁
孤苦相依為命共架同爨廢幾嗣續之不廢
不幸遭亂延秋夜啓第隨羈紲於西塞兄負
木主而東奔乃於壬辰十月猝遇賊溺水死
其年十二月少女邁疫死江都聞女臨亡猶
忍氣舉目呼爺願見者三而逝吁為人父而
尚忍聞是耶先年七月賁儂落南踰冬及春

事了無期鄉音日惡來輒可懼平生所嬌侄
女因產而逝甥又求食遑遑逢盜死途中歷
數一家在世者幾何而回視先墓之傍宿草
新墳纍纍相望者非齊斬則碁功也死而有
知倘能相遇九重泉路乃余之樂土而一朝
長辭將庶幾其拭目於土中矣嘗聞死生命
也幸而未至乎死也則其死者已矣無所逮
及唯盡誠追遠幸有墓四序展掃犛犛奉奠
顧眄無他兄弟相助者常恐我死之後此事
遂廢香火寥寥頽然為一丘墟到今猶未及

死闕然廢省者又復六年諺曰生子無良不
如孤居信哉言也自亂離來村隣散亡無人
看守松楸毀傷芻牧不禁又徃歲野火無戒
燒及塋草平時拱木亦皆剝落孰謂有後之
墓乃至於斯也耶卽今芳春載陽節屆禁火
雨露旣濡心焉怵惕况南人之俗禮重祀事
東隣西舍裹飯包魚髻童在前黃犬隨後魚
氓賤隸各自上父母丘隴以寓追養之意而
舊鬼新魂無不焄蒿悽愴冥感遠降享子孫
誠意者此獨何人坐卧自如猶言猶食猶蹈

履平地上自列於人數中耶因風引頸西望
長號舉足頓地洩哀于歌歌不成聲終天而
止矣歌曰

有父有父先趾羨兒生九齡父死耳兒時癡弱不耐
經只得從母啼閨裏諸兄相逝獨孑然三十三年頑
未死嗚呼一歌兮聲悲哀昊天罔極魂不來

其二

有母有母親刀柄半世孤燈賦薄命有子不肖不得
力布裙懸鶉露兩脰流光荏苒不相待身後宗姻式
貞靜嗚呼二歌兮哭聲放行路為之喟然悵

其三

有兄有兄性義方當亂樹立猶屈強弟隨 龍馭狩
龍灣引領相望號聲長山氓傳呼有寇至兄獨不屈
死路傍嗚呼三歌兮情激發三年僅得收遺骨

其四

有女有女生別離時當乳下弱而癡父執母手撫女
語未死重逢會有時人傳將死尚呼爺老淚默灑中
兵旗嗚呼四歌兮不忍奏至今孤魂哭朝晝

其五

前後刊本皆佚
後得手草追補

有姪有姪遭亂惡立別門前涕沾濕亂後生逢如夢

竊甥得加冠女成立甥今逢盜死途中女又夭折悲
慟集嗚呼五歌兮川路長魂其念我來殊鄉

其六

我家丘隴臨東湫別來墓木皆成膠六年不歸棄如
遺先靈夜夜空來遊去歲野火燒白楊隣人撲滅僅
得休嗚呼六歌兮道逶迤東雲入望猶含姿

其七

年年寒食松楸老香火寥寥古墓道家追遠競是
日悽愴煮蒿爭及早遊子天涯哭向西舊山無人樹
連抱嗚呼哀歌兮終七曲感念公私傷運速

次金接伴韻

硯池浴出起松烟睡後尋詩倚案邊玄晏看書緣有
病東坡懷祿坐無田陳人自古懶膏面新貴即今多
捕蟬過眼榮枯本如此世間何物不皆然
終日晴窓對篆烟一春愁緒在眉邊季鷹久有思尊
興元亮那無種秫田鷹隼豈須猜海燕螳螂且莫逐
寒蟬不才多病俱堪笑誰憶襄陽孟浩然

右書懷

靄靄搖空楊柳烟陽浮樹外蚊川邊三年春色白侵
鬢一夜雨聲青滿田世事真成覆蕉鹿生涯故顏迎

秋蟬好懷百歲開不得斗酒何時方卓然
萬戶傷心不起烟老儒何術可清邊聞花有信開含
露野水無人自滿田戰士拂磨新劍匣官娥零落舊
鈿蟬從來理亂多翻覆欲問天心事豈然

右傷春

墨突年年不着烟半生西塞又南邊長隨新進有何
好欲去故園無寸田等把異同齊指馬豈將癡黠較
螿蟬縹緲頭緒難尋處誰識中宵默悵然
終南山色杳風烟一望長安在日邊樞馬每憐鳴戀
主鄉心唯有夢歸田事如百尺竿頭卵人似三秋葉

底蟬料理此生仍不寐曉笳聲裏坐蕭然

右思歸

余少時與趙守初宋仁叟讀書江舍仁叟嗜書
寢余每與趙守初常感起攜往泛舟往來今追
憶舊事杳然如夢因感而賦之

守初豪縱喜乘船仁叟安閒愛晝眠喚起江樓徐杖
屨招呼漁艇恣洄沿盃盤始為迎新月諧笑仍忘到
曉天憶在龍湖興不淺回頭二十有餘年

次客月城朴府尹問其孫寂邀往溪邊打魚金
接伴以詩記之仍次其韻

月魄殊方看九盈使君邀我破孤惇槎頭得雋翩翻
舞丙穴登梭撥刺鳴碣水已無神鯉脫東津應有老
蛟驚飽霑僕隸猶均飫養子他時說此行

有感

大樹無言老不功古松亭下坐談農風塵變盡青青
鬢夢入毬門劍血紅

金接伴累疊前韻窘我

年少推鋒氣已盈欲將豪縱壓寒惇騷壇愧我旗先
仆詩壘看君鼓屢鳴吳楚銳師天下壯條侯堅壁夜
來驚不辭軹道勤銜壁好向春風奏凱行

次李從事光胤韻

卧聞驚鵲闔孤查睡後餘痕襯眼霞忽有小奚傳好
語新詩一一似陰何

其二

行雲欺月適微明花露凄清惱客情算到一生憂畏
事百年辛苦坐虛名

李提督如松別章

詔許誅妖孽竿旌上台國須先復運天降異人材
謀定兵先勝神扶慶大來泥鴻尋有跡留像沮江隈
朴通官隨冊使在倭營述懷寄詩次韻却寄

囚人每夢上雲岑
暘者常思浴水心
當瞑想君多少
意因風寄我短長吟
時常易失寧猶豫
事到難言轉
陸沈寂是華夷
相混地春來誰慰仲宣襟

其二

虎窟豺叢隔幾岑
別來經歲更關心
懷歸賀老雅吳
語卧病莊生猶越吟
鯨浪崩騰雲杳杳
魚書阻絕意
沈沈詩來政類囚
山賦讀罷愀然為整襟

失題

土石含章五丁慝
岡原受鎮百靈安
分飛異日餘圖
畫叙卷床頭
卽舊顏

次李從事訟途之作

家貧長對杜陵藍
晚節南來坐不廉
世事何嘗不如
此幅巾終日笑巡簷
宦情無味孰加鹽
渴飲貪泉喪舊廉
何日乞將骸骨
去白茅為屋竹為簷

右自叙

倚樓愁思亂交加
燕入重簷雀啄花
菱葉滿池萍又
紫一年春事已無多

右傷春

桂笏朝來爽氣騰
鰲峰當戶碧峻增
何緣快到藤蘿

外一振儒衣最上層

右金鰲山

蘓老十篇留壁上鵞翁三字揭楣頭鋪張潤色俱殊

絕賤子歌詩實欠羞

院有蘓齋十絕鵞溪題額

右玉山書院

山人昔向山中隱不放桃花泛出溪窺管或能看霧
豹辟塵誰得近靈犀

右玉山溪亭

寓感

鑄為兵器煮為益朝士相和將吏廉待得邦家無事

日老夫搔背卧南簷

其二

路險欲行長側足言深不較但垂頭亡金且莫殷勤
辨同舍他時定自羞

其三

郭外鰲山似鳳騰欲將靈脚踏峻嶒孤雲石室無多
路試問丹梯隔幾層

次金接伴韻

衣冠凋落鬢摧殘誰信黃堂叅贊官歌妓反唇調病
拙衙童拍手笑酸寒天長歸夢風吹斷家遠傳書字

半漫一卧瘴濱生意絕春來贏得帽圍寬

其二

薄晚悲歌倚古城歲華迢遞客心驚東南海沸鯨猶
怒西北天荒柱欲傾時南征未已西北誰向新亭垂
壯淚且將書劔託深情商音一曲無窮恨梁甫吟成
鬢半明

再次

徐伐慶州舊號徐伐那孤城落日殘南來烽火接金官金海舊號
新愁剩作三年病舊雨仍添一夜寒春入郢郊芳草
暮雲迷秦樹故園漫腰間白羽凋零盡懷抱何時可

得寬

其二

老鮑為亭月作城千年文物燭風驚芬皇寺古金碑
在庾信墳孤石獸傾蘿井有基空撫跡鰲峰無語尚
含情愁來徒倚賓賢柱玉遂誰家弄月明鮑石亭半月城芬皇

寺金庾信墳蘿井金鰲山賓賢樓

久落南中洛上親舊日覺在念偶因公幹嘗至
京裏孝彥逐日來訪余過恩津受之館接勤甚
歸卧宜春感念二公之意寔天涯骨肉也五月
十七日夜夢得與二公相譁如平時豈有所感

而然歎覺而思之因賦二律記之

白玉堂中士黃龍塞上人愁容余潦倒名宦子清新
燁赫匡時畧零丁去國身無由接餘論猶許夢相親

其二

伊昔王鳧縣公堂坐羽人經過愁欲破館穀意彌新
只得時成夢何由一致身如逢鼎津鯉欲問舊情親

入京數月將復迎 冊使于南方時朴子龍赴

京以詩為別

南北分飛各飲冰征途苦樂喜相乘真遊華表秋聞
鶴旅泊鷄林夢伴燈漢節幾時迎博望周庭今日重

延陵多君到底聲輝赫老我歸期杳莫憑

數日夜夢不佳鄉思故慙入河東縣聞成接伴

自賊中奔還南邊大擾起題縣壁

丙申迎冊使再下南方

客夢繁於絮鄉心漾似瀾有詩傷遠別無鴈到家山
戍角吹將盡仙槎去不還仍聞成主事匹馬脫重關

初十日同尹從事敬立過鵲院棧是日新晴風

氣甚惡馬上行吟示尹從事

客行幾時已 王事轉悠哉應俗少長策逢人無好

懷雲迷荒野遠風振暮山哀却羨江心鳥飄然自往
來

題南原寓舍壁

去路莽難期吾行幾時已苦厭湖外魚思飲漢陽水
夢為幼秀才負笈江西寺時同曹子行判作爭齋戲
人生一老若再少馬島亦應沉海湫

千秋節在梁山寄示三從事

疇昔茲辰忝賀班垂樓萬幕擁千官香飄鵲尾霏微
裏日繞龍鱗紫翠間拜手禮嚴旂影靜呼嵩祝罷珮
聲還天涯此夜孤臣泣古戍無人月滿山

梁山書懷再疊前韻

嶺外經年鬢欲斑家人應恠不休官天時易謝干戈

裏男子虛生宇宙間袖有淚隨西日下鴈無書寄北
風還身如可化為千億散上梁山達漢山

其二

南民衣服半成斑呼我時時作上官日本俗呼尊徐者為上官
伐鸞鷹歸海外日本貴買鸞鷹扶桑烟火入河間荒城月照
戍人語凍磧風鳴巡騎還鄉夢不知家萬里喜隨蝴蝶
蝶度千山

郭山道中丁酉以接伴使還自義州

路入荒陂雪陸離野橋烟暖柳如癡羸驂午困困成
睡一味春温病背宜

無題

繡幕春閒篆影斜
重簾深鎖少青娥
秦樓客子今頭白
不分吳王內苑花

其二

草草杯觴惜去留
春山終日聽鉤輅
丁寧寄語南溪水
穩泛離情入峽流

其三

步出轅門為少留
僕夫催我啓征輅
羸驂似解離人意
不渡回溪故飲流

其四

鐵甕城邊立馬時
一杯誰唱小紅詞
溪頭盡日千絲柳
不為情人縮別離

宿肅寧館

銀漢西傾壁月斜
青燈寂寂撲飛蛾
東風卧想玄都觀
開盡劉郎去後花

中和曉思

相思一夜淚江西
關路迢迢望亦迷
孤夢欲來仍喚起
赤憎山店五更鷄

黃州集勝亭

征途撲面軟塵紅
來御華軒半日風
快放詩眸窮曠

白沙集卷之二
二十四
邈迥遊豪氣戲鴻濛溪山過臘偏增色
裘褐逢春欲讓功借問驛亭雙老樹
紛紛閱盡幾英雄

題瑞興村舍壁

藤梢夾岸柳絲斜門外長川半露沙
芋栗有餘人事少棘籬茅屋亦生涯

遂安途中

神林簫鼓走村翁社酒豚蹄祝歲豐
聞說去年風雨順三時民力不歸農

其二

野外新晴碧繡田一林桑柘起炊烟
垂楊影裏鷄聲

緩春滿農家穀雨天

到新溪縣承

聖旨新除兵曹判書以南報恩

促入朝

九鳳山前傳

聖旨白頭司馬路增輝魏桓先我知

時事解道生行是死歸

聞有從事官巡閱官兵愆期不來本縣官兵聚

九日猶不罷

九日官場集老羸閱軍從事到來遲
桑間布穀啼膏雨籬下春田已後時

是歲六月楊經理

鎬

在鎮江城召使來議軍事

再往關西將渡大同江聞金從事景擇尚容已
渡江詩以寄示

苦雨今朝霽 天兵早渡河行間老從事書迹及通
家

肅寧館記夢

溽暑中人難着睡官居草草小於蝸無端一夜滄洲
夢蘆葦如霜月滿沙

百祥樓望藥山東臺聞兵使登高

落日登樓望不開半天雲雨隱東臺羣仙盡屬靈山
會誰向藍橋擣藥來

從軍行

是歲十二月從麻提督貴討谷城之賊

湖西轉粟當嚴冬萬民難給千夫膳師到南原拍馬
迴賊衆猶屯求禮縣

其二

萬竈虬貅霜滿野 天兵搜粟疲人泣懸知本為活
我來叵耐妻兒眼前惡

其三

沙塵捲地野微明鐵騎千羣曉撤揆師行千里日兼
程石上斑斑馬蹄血

其四

曠野無烟風怒號將軍曉發哀笳咽腥雲和雨撲人
顏凍作征夫滿鬢雪

單于夜宴圖

陰山獵罷月蒼蒼鐵馬千羣夜踏霜帳裏胡笳三兩
拍尊前醉舞左賢王

月沙公示詠雪五首次韻却寄

戊戌公為陳奏
上使與副使月

沙李公廷龜書狀官黃公汝一赴
丁應泰誣奏○此詩以下舊本云朝天錄

河上飢鳥噪晚沙黃雲和雪凍漁叢陰山夜獵迷千
騎渤海糧帆滯一涯萬里客驚闕外夢九分頭白鬢
邊華東湖久負義魚會那得敲冰手刺槎
時自金福海

蓋等四衛由海道運糧至龍川天寒水漸海舟中滯
湖堂故事湖水初合堂官約會鑿冰捕魚名曰叉魚
會故領聯及
未句俱及之

其二

羣帝譁譁弄秘機更教明月聞清竒真遊剡曲誰迴
棹神武淮西想得時宿鵲附簷能警夜凍鴟蹲樹或
呼飢客中情景俱殊絕未可無君五首詩
聞南路捷音

其三

剛腸憂世劇如焚夜起狂號徹厚坤故遣冰花除熱
惱且將瓊藥洗詩魂蝗應入地先呈瑞絮欲漫天忽
滿園却憶舊山深竹裏木爐煨栗畫關門

西隴才名振八區一時詞賦擅三都
閒酬對景尋詩債誰畫憑欄咏雪圖
古戍獵歸寒栗冽長河水白路崎嶇
雲戕調我素安卧試問山陰興有無

其五

羔兒誰薦鬱金瓶老眼無眠倚曲屏
愁向旅窓間裏苦雪從枯木夜深聽
清詩帶臘來投暗仙韻生冰可喚醒
從此薊門千里路百篇隨處賁郵亭

次月沙過江口占韻

馬蹄如雨踏冰河鶴野遼山入眼
賒古堠逢人問前

路五雲西望是皇家

其二

邊頭驛路若鋪筵羸馬衝寒策不前
晚入小村催秣草西林暮色已蒼然

次月沙聞南邊的報喜而口占韻

千戚休煩舞兩階三軍騰氣溢天街
威加党項恩兼服碑勒燕然頌更佳
老膽輪囷頻所案喜心翻倒獨歌懷
東來諸將多才俊借問誰先入蔡淮

次月沙韻

滿袖天風岸接雁客懷應有曉星知
憑誰倩得龍眠

手畫我悲歌叩劍時

次月沙乾河途中韻

此路行不盡長亭連短亭
午炊依石礪枯葦拾沙汀
冬暖泥融坂村虛犬吠星無心
道傍樹清濁幾人經

次月沙鳳凰山韻

山有東明王舊城

聞說天孫遠因山有舊畿
懸羊傳俗諺縛馬脫長圍
往事荒城廢斜陽疊巘魏
祇今歌帝力封壤入垂衣

俗傳是城嘗被圍守者知不可守懸羊於鼓縛馬於槽乘夜棄城遁羊反側四蹄撞鼓馬躑躅蹴槽登登有聲敵疑有備不敢入遂得脫

其二

王事驅馳日飲冰
仙山遙望玉千層
殘年脚力衰難強
鐵鎖高垂儻許登

次月沙斗嶺上曉霜口號韻

蒼蘆漫山遍六花
雲間日脚漏明霞
乾坤浩渺涵澄氣
海嶽微冥接素華

其二

雪樹冰崖逼歲闌
山川渾似舊容顏
同來詩老能開語
喚作新溪一路看

月似新溪遂安之間云故及之

次海月過鎮夷堡韻

邊城落日晚荒荒
遊騎多逢蹴鞠場
率土已全歸版

籍遐氓猶得樂耕桑腥塵臭北山為障妖孽窺南海
作防萬里此行真一快匣中時復拂秋霜

月沙公累投篇章索和余投筆久矣困於效颦
以詩謝之

萬里行多病醫治百不宜安心有上藥靜坐廢吟詩

遼陽記見示月沙海月二君子

北路重關建置雄西南施軸此為衝烟雲簾幕笙歌
裏錦繡樓臺杳靄中屋畫麒麟交瑞鳳人騎驃裏弄
游龍 君王銳意征東事罷虎爭彈八札弓

黃書狀感僻間關東誌有作余常願一遊而不

可得因步其韻為寓言長句

盧敖早學仙常有軒騰志夢尋蓬島遊有興書滿紙
中歲落人間初心半途棄晚與若士遇許我青霞意
仍騎汗漫遊請謁浮丘氏自言有鴻寶三清福地誌
求觀大小篆往往窺靈宇金沙與珠樹想像得一二
仙山不可到役役窮至此相期朝玉皇共踏三千里
天風隱笑語一一窮幽致同遊非俗人苦縣得李耳
所歷皆琳宮五雲參差是間攜費公杖共乘琴高鯉
行逢玉函文忽覺蓬萊邇隨緣亦前因異境今能記
漪臺與月松塵塵曾遊地若士語盧敖君能超弱水

盧敖拜稽首願與同遊戲仙都有閒地着我浮遊子
再疊前韻錄呈海月兼簡月沙邀同賦

嘗聞陳季卿旅遊不得志投寺觀壁畫家山移尺紙
戲將綠竹葉作舟初一棄俄然到家山倏適平生意
斯言誠恂怛始自傳誰氏語涉齊東野事類山海誌
人間孰非幻寂幻乃文字楚越雖天涯未可分為二
均為普天下豈有真彼此夫君困羈宦引領思鄉里
況今更萬里鄉信何由致觸景難寓目聞聲不入耳
幸於旅窓間眼明初見是坐我東溟間臨臺數赤鯉
身忙覺境閑地縮訝室邇恍逢南山翁妙意難悉記

且勿辨真贗持以寬心地一一細推究某丘而某水
詩成還悵然世事真幻戲聊將不經語請質無言子

次海月臘日過海州衛記見韻

遊客青絲鞵佳人翠步搖偶逢城市同過水南橋
七寶新粧麗三盃俠氣饒良辰好風日行樂趁今朝
次月沙臘日風亂怯寒不得出獨坐口占韻
暖比常年一倍多顛風惡雪夜來過樹頭晚日留餘
片故替寒梅作歲華

其二

客中誰與頌椒盃隱几蕭然暮景催排遣嚴寒隨雪

畫幹迴和氣入詩來

牛家途中風雪甚惡

羣龍作意聞驕矜四野頑雲冪地凝萬木助成風氣
勢千山震疊雪威稜于喁迭盪鴻濛合鼻口齊號竅
穴騰珠玉散為霞片數一時吹過走長水

其二

雲日迷人野寂寥一鞭驟影冷蕭蕭孤松戴雪真強
項衆木迎風為折腰春向北關衰柳動夢隨南鴈故
園遙前溪定有梅花瘦村路依然灞水橋

雪中哀車夫

層冰滿坂雪蒙頭日暮牽車如挽舟夜投山店未炊
飯繞到鷄鳴催駕牛

次海月過天妃祠韻

豐碑文字出歐陽螭首龜趺照水鄉金母夜迴丹鳳
駕玉皇朝薦紫霞觴河流受鎮風濤靜商旅祈靈綵
勝長獨有老禪看雪白開門驚恠客清狂

次海月記夢韻

平生羈宦沈東陽家在滄溟筍蕨鄉籬下有田皆種
秫門前無水不流觴風塵荏苒催人老魂夢分明引
興長寂是竹深沙靜處一壺時放少年狂

次海月高平野韻 六言

北極真成盡處南溟定是窮邊恨無萬尺長袖獨舞
斜陽遠天

道上殊覺勞渴水渾不可飲黃書狀言冬寒尚
如此若到日暖必頓添一渴何以解之時於馬
上方論中朝食品之美李譯在後應聲曰勿慮
也手劈洞庭黃香霧喫人真青大畫盃滿斟秋
露白如何黃揮手止之曰李僉知無多談令人
失笑余聞之不覺捧腹口占一絕示月沙

通官解道中華勝秋露盈觴小橘香包老不禁開一

笑書生口業本膏肓

次月沙鶴野途中韻

鳥度冥冥樹欲浮絕無堆阜礙詩眸坤維盡處天應
豁須覩銀河倒海流

其二

大野將窮間岫孤天公費力作新圖若為注得三義
水化出中華萬里湖

次月沙夢入銀臺韻

十二瓊樓禮玉宸芝函一一畫溫綸遽然定識盤山
我恍惚猶疑紫殿人

其二

重修簪履點朝班
草制才高不强顏
孤夢亦憐心戀
主曉隨蝴蝶度千山

次海月宿廣寧記事韻

地近天山豺虎紛
胡笳戍角日相聞
毬場驕馬輕拋
鞞俠少豪鷹遠沒雲
桀虜直來窺紫塞
元戎政欲樹
竒勳三盃笑取葡萄飲
鐃鼓聲中夜出軍

其二

煌煌城府敞深嚴
挾道千家卓酒帘
繡鞅銀鞦香細
細重樓複閣霧纖纖
少年新服裁雲錦
遊女明粧倚

畫簷騎出玉驄斜
睨影迴欄相送半窺簾

次海月除夕書懷韻

鶴野春初動龍灣
客未還不眠思
聖主無夢到家
山序屬三更變詩排一字
安燈花強解事似欲慰清
歡

次月沙遊西嶽廟詩韻

滄溟浸南斗鶴野圍北昊
閭山中盤遠勢橫
斷阜西來為正隲
鞭笞陰鬼出琳宮
鑿破天慳哭神媪
金輪夜义守重關
東海波斯輸百寶
暈簷翻拍欲飛翼
廣庭軒動浮來島
儼然真象鎮非常
四時祠官勤灑掃

金堂坐受百靈朝水旱時時薦虔禱貞珉御勅間新
舊老龜蟠蛟亂傾倒翩翩羽蓋三韓客梯航路出黃
龍道登階偃僂前致辭我辭元非祈壽考神其有意
聽我辭享我馨香南礪藻重雲今日掩朗照鯨域君
臣政愁惱王言朝下夕飲水一出都門歸意浩行
將以額叩天關洩冤恨不刳腸早天高或聽九地幽
聖帝聰明同大造嘗聞物無不動誠神庶哀憐我懷
抱祝罷吞聲向北號老淚灑向閭陽堡閭陽夢見玄
裳人手攜九節來清灑靈衣披拂宛若雲入門長揖
鬚眉皓為言上帝感汝言汝行百事皆吉好不惟辨

折得昭明且為賢王錫難老我欲再拜謝玄裳夢覺
酸風鳴白草

次海月關王廟韻

平生自負出人竒赤兔青龍世事違壯節有如天地
在深謀不許鬼神知三分政欲扶危主九錫何緣護
幼兒義烈祇今專享祀餘威猶得震華夷

次海月西嶽廟韻

晚倚靈宮望盤山掌樣平門開渤海水簷納老人星
歛吸神功壯登臨暮靄晴醫閭森在眼列岫近亭亭

次海月紅螺山韻

世傳元順帝北
奔死於此云

腥塵一染漢山河終變穹廬作翠華智勇有窮難力
服廢興由數奈天何謳歌異日思仁政英俊當時入
禮羅壑谷圖生寧捲土千秋應化老飢魔

望夫臺貞女祠次月沙西嶽廟韻并序

世傳秦築長城役徒有范郎者死於役其妻
許氏久別不知其死親自來尋則夫已死葬
在海島許哭夫於臺上遂死不還後山海關
主事張棟立祠於臺張時顯撰碑余入祠祠
僧進茶具道其事

聞昔秦皇騁雄俊環山築城千窮吳連雲雉尾半天

下欲把中華作深隩是時范家老黔首版鍾久別糟
糠媪糟糠娘子稱淑羨雪玉空閨徒自寶郎情山重
妾冰清妾守孤燈卽海島秋風日夕遼水寒愁斂蛾
眉誰為掃羞人不敢說分明夜向燈花心暗禱曲砌
蕭蕭斷根草蓬麻兔絲相顛倒重簾複幕任組紉一
生不識門前道邊城望望意奮飛出門斂策辭姑考
山碛重足風裂衣滿路沙塵迷彩藻行投荒戍問伯
也握手庶慰平生惱長號不見眼中人只有滄溟流
浩浩不怨當時死別離惟恨天涯來未早崇岡千古
玉委塵身後遺祠類神造飄然闕令真仙才豫章杞

白沙集卷之二
梓皆連抱斷開雲根化靈宇山海關頭八里堡張公
文章天下奇字如羣鴻戲太灝尋祠遠客衣裳古入
門老禪鬚眉皓來遊始慕苦節高厚意重感僧茶好
英靈泉下或有知儻識東韓李閣老詩成遠慰九原
魂辭比張林莫老草

望海亭

東藩豪爽弼雲老西路孤高坐海亭獨立蒼茫元氣
上遙瞻斗極浸南溟

次月沙立春日聞擒政成賊魁喜而口占韻

三軍送喜羽書頻南服冠裳免介鱗已奉牋疏出榆

塞誰將江漢頌 楓宸旌旗壁壘精神變禮樂文章
氣象新萬里阻瞻黃道日旅征愁思入佳辰

次海月長城韻

焚坑當日自雄奇萬里城高萬姓悲畢竟蕭牆潛後
禍謾將沙漠起深疑勞煩二世顛羸祚屏翰千年屬
聖時為報嗣王修儉德由來守在四邊夷

次海月山海關迎春戲韻

消息東郊木帝催攔街幡勝繡雲堆千羣鬼面優人
戲十隊神粧妓陣開金屋烟和瑞氣暖珠簾風送異
香來 瑤階會待新春賞尚恐餘寒勒玉梅

謁清節祠用西嶽廟韻并序

伯夷之道隘非聖人居身之所珍然余竊高其讓國守義不食周粟每讀遷史心欣然慕之未嘗不廢書而嘆息今過北平謁廟興感信筆言志渙若不思豈英靈百世相感而有所激昂歟

寒水皎皎出清渭白月澄澄映秋昊雖然不比二子清誰似胷中真閩隩西山一片殷遺地怨入重泉泣黃媪想應英靈凝不散化作崑岡石中寶不然扶搖殿世間乘雲御氣遊蓬島維時天意厭獨夫烈祖遺

澤長如掃西方美人稱聖德曷喪餘民咸頌禱風雲喚起釣魚翁泳鹿竒功猶壓倒珪璋八百孟津渡天命人心歸有道云亡還有不死者太史遺編後人考無人續和采薇歌荒山萬古空文藻椒漿一杯廟門前吊古行人愁思惱鳩來欲問先生風首山蒼蒼河浩浩丘軻好古世已遠我亦長嗟生不早趨塵未應望望去恨不同時踵門造高名警俗髮如竹九原可作要同抱高堅億丈大城府下視延陵猶小堡營營末路彼何人願言同攜來挹灑歷世風流不數公前有巢由後四皓千年氣味誰同調地隔華夷惠而好

神交一語誅冥漠為告當時天下老丁寧重為清風
惜薇蕨亦是周家草

戲贈月沙

公路數十日每因黃書狀聞公苦苦思家今
得惠詩乃以一杯高枕之興擬當還鄉之樂
又以昭君南北之怨至解丈夫思歸之意情
見于詞無已太過仍翻案賦之

客中何事當還鄉百方無由慰心曲人生適意無異
術只願莫作離家客強道隨處即為家誤矣當時李
太白聞君一盃便高枕映壁圖書興已足若教蘇婦

喚卿卿何異城東館洞屋吁嗟不能縮地來歸夢分
明繞漢北

次月沙望海亭

海月兩
公之作

入關數日猝得肚痛久不把筆
夙債連負累被苛督追酬月沙

鴻濛倏忽眩東西萬里乾坤咫尺迷鐵索銀鈎瞻大
額雲橫濤卷檀名題扶桑日對簷楹出滄海波連几
案齊倚柱望洋心未已歸鞍不覺月如珪

次月沙秦皇島韻

此地曾聞翠蓋來祇今遺迹海山隈長城入水千尋
壁巨浸騰空萬鼓雷徐市實携童女去侯生虛捧籙

圖迴若教鞭石功能就親見扶桑日月開

次月沙午憇真武臺韻

官如蠶老過三眠深愧謀生後計然千里懶尋新道
路十年虛負舊林泉溪山送臘偏增色榆柳逢春欲
舞烟羨景客愁俱浩蕩一時輸與在眉邊

次月沙永平府韻

崇墉千雉入雲平環衛由來壯帝京棗栗交柯香
欲暗車輿擊轂道常爭嘶風玉勒流塵起來路金牌
寶篆傾却憶漢家猿臂將一生無事老雄城

次月沙萬柳庄韻效吳體

溪西夕日明春陰萬柳成行臺殿深雨葉風枝抹綠
霧嫩烟柔穗搖黃金主人迎客拓重戶高閣捲簾論
素心感子贈之雙管筆歸時更約開塵襟

次月沙上元寓棹店韻

故園東望碧雲漫勝事那堪病後看仙蓋彩燈添客
恨香車寶馬壓儒酸愁來却羨昇平樂老去長思少
日歡殘燭伴人情不淺詩成吟咏字難安

次月沙途中口占韻

欹側攀危岸遲回渡淺灣一身輕似葉萬事重於山
飲淚懷深恥逢人作好顏詩成渾漫興隨意細增刪

次月沙豐潤觀燈韻

癯仙卧睡橘皮中萬劫纔為一朝夕起來時道橘中
樂出世常遭俗眼白乃知壺裏別有天異境應須駭
衆目比如漁人遊海上空裏青紅驚蜃閣須臾變滅
入虛無世事元來一霹靂向來所見亦自疑惝恍雲
窓與霧箔人生何物不真空蕉鹿反惑隍中客我來
豐潤屬佳辰卧病門前聞蹴踘心知窓外月如水萬
家珠燈開淨域呻吟不復少年豪貂裘夜走長安陌
河魚無賴越人方達曙青燈送寂寞誰知仙老當此
夜獨上高樓羣動息熒煌炫轉在俄頃有如佛子觀

空色歸來異事詫俗人妙相都輸入毫墨壺中天地
橘中興蜃閣竒觀移咫尺終知萬象本來空或疑隍
鹿前身隔風流話本落人間夢耶非真皆捧腹所以
癯仙戒浪傳橘皮誰信三天廓真遊可想不可再莫
遣兒郎知此樂他年會待金丹熟同駕青鸞窮碧落

次月沙薊門烟樹韻 三五七言

天低樹樹入天閣澹烟籠樹微冥樹出烟猶疑神禹
塗山會萬國槍竿列岸邊

神禹塗山會萬國槍竿列岸邊

一作微冥日薄暮天氣蒸春動野山遠樹浮烟猶疑

次月沙早朝韻

春天曙色射朝衣馳道遙看燭影微
映雪瓦溝初旭轉受風旗脚曉霜晞
香飄七瑞圍仙仗雲繞千官擁法闈
操几幸逢賢國老肯教寬奏竟空歸

其二

脩容少立午門闌瑞色惹籠五鳳間
帝德不緣優鰈域塵蹤那得廁鵷班
周旋失次冠簪古拱揖多慙笑語寒
退食清都時入夢玉河深鎖十重關

次月沙覽鏡自歎韻

長路衰容問僕夫臨銅始覺十分癯
八年鞍馬空皮骨疏布猶纏一病軀

其二

頭似童童老太顛榮華難得待餘年
尋思舊屋堅城下草沒籬前二項田

其三

愁中暮律駸駸急鬢上韶華日日無
春夢揚州已自覺青樓且莫笑非夫

其四

頭顱蕭颯轉蓬飛亂後形容老病危
膏面染鬚無復有朱顏綠髮幾多時

其五

人生一老更難少，纔見花開春已闌。
待得玉河流向北，只應皺面變韶顏。

其六

蒼顏瘦骨疑非我，誰遣羸形落鏡中。
鬢雪偏從愁處早，人間白髮亦非公。

次月沙玉河夜吟韻

墻頭風鵲未安枝，月下驚飛影屢移。
一席感時憂國語，厨人新漉出天池。

次月沙天壇寄憶韻

遙憶祈靈太一宮，丹臺無路御泠風。
天師定在三清

閣時送簫笙入夢中

次月沙燕館書懷韻

朝著瞻佳士，鵬程仰九霄。
無由御元禮，只自慕王喬。
使事慚聯璧，騷壇幸續貂。
終然親躡踵，豈但喜同朝。
崑玉寧須琢，天葩本去雕。
風斤奴衆匠，大呂壓塵囂。
旅館千篇富，階奠七葉凋。
海深蟲不測，山重蟻難搖。
比興紓情素，俳諧慰寓僑。
名場余薄相，詩集子仙標。
北路今聯轡，西曹昔備僚。
時危敢薦士，主辱共揚鑣。
日月方迴照，狐狸競舞妖。
初緣怒甲乙，終欲陷宗
裋草奏仍專對，貪程或犯宵。
天心元至順，人事可先

料雅有觀周興欣乘出塞軺精明同晏子應對出都
超逆旅燒香夜郵亭振策朝人烟渡江少鄉思入雲
遙事急途猶遠天寒雪政濼戎心劇獫狁越勢迫夫
椒憂國眉常斂懷歸意轉遼墩臺鶴野闊車馬廣寧
饒嶽廟香堪薦闕祠酒可澆評詩時自愧遇景輒相
邀珠落縱橫筆金橫偃蹇腰陳容慚蹢蹢逸想仰飄
飄王立千人看詩成萬口謠霜天翻鶻翻雲海架虹
橋不獨馨香襲真堪鄙吝消高談叨衛玠拙作愧張
昭老矣飛蓬轉傷哉斷梗漂經年客萬里一病到三
焦榮宦先糠粃 洪恩荷舜堯向人長有愧於世已

無要名路顏羞縮詞場意桀梟有時詩見促真若火
延燒戰敗長嚼壁才疎欲握苗交情付傑句鄉夢逐
迴潮來日葭吹管歸期斗轉杓綢繆情有託留滯意
難聊旅幌淹三月清水映一條風儀欽矯矯雲路看
迢迢注倚方殊異聲名豈寂寥人瞻吐鳳筆國待發
斨刀萬事從吾醉三元要爾調難尋月沙釣應負故
山樵苦被伊臯累長吟大小招徒令江漢上虛繫未
歸橈

一日與月沙海月偶閱行錄海月出令曰兩公
於西嶽有詩於東嶽獨無嶽神有知豈不懷憾

可步前韻為東嶽廟詩以配前作為佳遂賦之
藩邦叩心仰天籲願取讒人投有昊 君王心似光
明燭坐法宮中照四隩遂令天下猷訃中絕無窮夫
與怨媪况我累世篤忠貞豈但輸珍與獻寶所以天
心一視我不比海外諸小島平分內藏赤子活繼出
神軍羶蟻掃斯皆一誠徹九聰豈容人力煩神禱夫
何讒舌巧如簧福善悠悠理顛倒潛將隻手掩葵誠
顯鼓流言亂至道覆盆誰借日輝明鬼態難將人理
考懷疏昔過黃龍府西嶽神宮薦香藻期將直道感
靈貺豈以滌辭激神惱問陽異夢銘在心路上時時

咏嘆浩行行得近朝陽門歇鞍更衣日尚早門前有
廟冠 皇都翼瓦飛簷出天造前臺伍立碑沒雲後
庭分行樹連抱迴思西嶽屈下風有若雄城壓殘堡
道者六人心貌間仙衫遠挹蓬萊灑翩翩白鶴整羽
衣頂凝丹砂毛雪皓真君高拱萬靈中照壁長射圓
光好開門頂禮若有聞精感人天天亦老分外玄裳
倘再逢真報唯當期結草

次海月韻

長路北燕下本家東海湄那堪望雲日更值奉觴時
草草今如此茫茫欲語誰知君意萬緒流淚濕華池

其二

政灑思親淚仍成出塞行
椿辰客裏過鶴髮眼中明
落景哀風樹慈烏聽古城
天涯遊子意時復酌深觥

其三

東屯新活計小築帶長川
門掩屏中屋人行鏡裏天
萍池魚撥刺沙岸鷺聯拳
一夜燕山夢青蓑濕晚烟

途中風沙甚亂

燕市游塵漲九河人來人去
汚衣多莫言皎潔元無
染縱有明珠也點瑕

其二

塵沙不貸芟荷衣分付同行
好護持人人各愛香蘭
珮休管他家素染緇

高嶺嶺上杜鵑花盛開

昨行青石今高嶺過盡重巒
似到家四月邊山寒料
峭林間喜見杜鵑花

用清江韻寄題黃書狀海月軒

劍氣崢嶸射大溟晴秋夜色
澹虛亭天風吹送冰盤
湧活玉跳金擁萬靈

